

বঙ্গ ভাষা



অতুলপ্রসাদ সেন

মোদের গরব, মোদের আশা

আ মরি বাংলা ভাষা !

(ওগো) তোমার কোলে তোমার বোলে

কতই শান্তি ভালবাসা !

কি যাদু বাংলা গানে,

গান গেয়ে দাঁড় মাঝি টানে;

গেয়ে গান নাচে বাউল,

গান গেয়ে ধান কাটে চাষা !

ঐ ভাষাতেই নিতাই-গোরা

আনল দেশে ভক্তি ধারা;

জেনে রাখো :

নিত্যানন্দ	—	প্রভু নিত্যানন্দ
গোরা	—	গৌরঙ্গ মহাপ্রভু
বিদ্যাপতি	—	মৈথিল কবি বিদ্যাপতিকে আগে বাংলার কবি বলা হোত ।
চন্ডী	—	কবি চন্ডীদাস
গোবিন্	—	কবি গোবিন্দ দাস
হেম	—	কবি হেমচন্দ্র বন্দ্যোপাধ্যায়
মধু	—	কবি মাইকেল মধুসূদন দত্ত
বঙ্কিম	—	লেখক বঙ্কিমচন্দ্র চট্টোপাধ্যায়
নবীন	—	কবি নবীনচন্দ্র সেন
রবি	—	কবিগুরু রবীন্দ্রনাথ ঠাকুর
মোদের	—	আমাদের
গরব	—	‘গর্ব’ থেকে কবিতার ভাষায় ‘গরব’ হয়েছে, গৌরব বোধ ।
ক্লান্তি নাশ	—	ক্লান্তি দূর করে যা
জিনে	—	জয়লাভ করে
সাক্ষ	—	শেষ করা
বোলে	—	কথা বলা ভাষায়
বীণে	—	মূল শব্দটি বীণা, একপ্রকারের বাদ্যযন্ত্র বিশেষ
ষাদু	—	মনকে মোহিত করা
জগৎ	—	পৃথিবী

কবি পরিচয় :

কবি অতুলপ্রসাদ সেনের জন্ম ফরিদপুর জেলায় ১৮৭১ খ্রিষ্টাব্দে । তিনি বিশ্বকবি রবীন্দ্রনাথের সমকালীন কবি ছিলেন । লক্ষ্যেতে তিনি ব্যারিষ্টারী করতেন এবং সেই সঙ্গে কাব্য রচনার ধারাকেও অব্যাহত রেখেছিলেন । মাতৃভাষাচর্চাকে সারাজীবন প্রাধান্য দিয়েছেন । এর জন্যে তিনি রবীন্দ্রনাথের সমর্থন ও ভালবাসা লাভ করেন । তাঁর লেখা ‘বঙ্গভাষা’ কবিতা যে অসাধারণ জনপ্রিয়তা অর্জন করেছিল তা আজও অব্যাহত রয়েছে । ১৯৩৪ সালে তাঁর মৃত্যু হয় । ‘গীতিকুঞ্জ’ও ‘কাকলি’ তাঁর শ্রেষ্ঠ গ্রন্থগুলির মধ্যে অন্যতম ।

কাব্য পরিচয় :

কবি নিজের মাতৃভাষা বাংলার প্রতি গর্ব অনুভব করে জানিয়েছেন মায়ের কোলে সন্তান যেমন ভালবাসা ও পরম শান্তির আশ্রয় পায় তেমনি করে কবিও বাংলা ভাষার মধ্যে সেই শান্তি পেয়েছেন । এই ভাষাতে গান গেয়ে চাষি ধান কাটে, মাঝি নৌকা চালায়, বাউল গ্রামের পথে একতারাতে সুর তোলে । এই ভাষাতে গৌরঙ্গ মহাপ্রভু, নিত্যানন্দ দেশে ভক্তি ধারা ছড়িয়ে ছিলেন । এই ভাষাতেই গদ্য ও পদ্য রচনা করে কবি ও লেখকগণ বিখ্যাত হয়েছেন, রবীন্দ্রনাথ নোবেল পুরস্কার পেয়ে বিশ্বময় এই ভাষাকে পরিচয় দিয়েছেন । কাব্যের শেষে কবি জানিয়েছেন, জন্মের পর যেমন প্রথম বাংলা ভাষাতেই মা বলে ডেকেছেন তেমনি জীবনের শেষ দিনটিতেও যেন এই ভাষাতেই ঈশ্বরের নাম করতে পারেন ।

পাঠ পরিচয় :

বাংলা ভাষা বঙ্গবাসীর প্রাণ, এই ভাষাতে কথা বলে আনন্দ ও তৃপ্তি লাভ হয় । বাঙালী কৃষক ও মাঝিয়া এই ভাষায় গান গেয়ে কাজে উৎসাহ পান । এই ভাষাতে লেখক কবিরা এমন কি গৌরঙ্গ মহাপ্রভু ধর্মপ্রচার করে অমরত্ব লাভ করেছেন । রবীন্দ্রনাথ ঠাকুর ‘গীতাঞ্জলী’ লিখে ‘নোবেল পুরস্কার লাভ করেছেন । এর ফলে বাঙলাভাষা আরও শ্রীবৃদ্ধি লাভ করেছে জেনে রাখো যে রবীন্দ্রনাথ তাঁর ইংরাজী “গীতাঞ্জলি” জন্য নোবেল পুরস্কার পেয়েছিলেন । বঙ্গভাষা কবিতাটি সহজ ও সরল ভাষায় লেখা শ্রুতি মধুর কবিতা ।

পাঠবোধ

অতি সংক্ষেপে লেখো :

1. অতুল প্রসাদ সেন লিখিত কবিতাটির নাম কী ?
2. কোন ভাষার জন্য আমরা গর্ববোধ করি ?
3. কোন ভাষা আমাদের দুঃখ ক্লান্তি দূর করে ?
4. রবীন্দ্রনাথ কোন ভাষায় সাহিত্য রচনা করে জগৎ জুড়ে নাম করেছেন ?

সংক্ষেপে লেখো :

5. হেম, মধু, বঙ্কিম, নবীন, রবি — এঁদের পুরো নাম লেখো ।
6. বাংলা ভাষা কিভাবে আমাদের কর্মক্ষেত্রেও ছড়িয়ে পড়েছে - তার দুটি উদাহরণ বঙ্গভাষা কবিতাটি থেকে লেখো ।

বিস্তারিতভাবে লেখো :

7. 'বঙ্গভাষা' কবিতাটির মাধ্যমে বাংলা ভাষার প্রতি কবির যে গভীর শ্রদ্ধা ও মমতা প্রকাশ পেয়েছে, তা নিজের ভাষায় লেখো ।
8. “ ঐ ভাষাতেই প্রথম বোলে
ডাকণু মায়ে মা মা বলে,
ঐ ভাষাতেই বলব হরি,
সাজ হলে কাঁদা হাসা ।”

‘বঙ্গভাষা’ কবিতার এই চারটি লাইনে কবি কী বলেছেন ? তুমি নিজের মতো করে বুঝিয়ে লেখো ।

ব্যাকরণ ও নিমিতি :

1. বিপরীত শব্দ লেখো :

আশা,	দেশ	শান্তি,
সুখ	কাঁদা	প্রথম

2. প্রায় সমান উচ্চারিত শব্দগুলির অর্থ লেখো :

ভাসা, ভাষা	বীণা, বিনা
দেশ, দ্বেষ	আসা, আশা

3. শুদ্ধ বানান লেখো :

গাণ	দুঃখ	তির্থ
মধু	যাদু	প্রসাদ